



Melele Mool kin Wā eo an COVID-19

Abnōnō: *Armij ro elab joñan aer kadōk ak jorren jen uno ko ren jab bōk wā eo an Pfizer/BioNTech*

Melele Mool eo: Am kadōk ak jorren jen juon uno ejab melelein kwōnaj bar kadōke juon uno oktak. Armij ro ewōr aer kadōk ñan juon mōttan kobban wā eo an COVID-19 ren jab bōke.

Abnōnō: *Rar kōmōkaj kin wā in ñan an armij maroñ bōke im ejañin lukkun bwe teej ko ñan lale kin kejbarok*

Melele Mool eo: Wā ko an COVID-19 emōj an lukkun lab etali ilo katak in scientist ro elab joñaer. FDA enaj kōmelim aer jermal wōt ālikin aer etali melele kein.

Abnōnō: *Wā eo an COVID-19 emaroñ kōmman am jab maroñ neji*

Melele Mool eo: Ejellok kein kamool ñan jibañ enaan eo ke ej kōmman am jab maroñ neji einwōt juon mōttan jorren ko rej walok jen wā eo an COVID-19.

Abnōnō: *Wā eo ej kadiklok kakōlle ko wōt bōtab ejab bōbrae jen am bōk ak kajeded COVID.*

Melele Mool eo: Katak ko rar kowalok ke wā eo ej bōbrae nañinmij in COVID-19 bōtab rar jab etale elañe rej bōbrae jen am bōk ak kajeded kij eo. Kim ejab jelā elañe rej bōbrae jen am bōk ak kajeded kij eo.

Abnōnō: *Wā eo enaj mennin aikuj.*

Melele Mool eo: Ilo ien eo juon wā enaj melim ñan aer kōjermal ilo idiñ ien, rinañinmij ro rej aikuj errā ñan aer bōke. Ejellok bebe in kakien wā eo an COVID-19.

Abnōnō: *Kadōk im jorren ko rej walok jen wā in renanalok jen kadōk im jorren ko rej walok jen COVID.*

Melele Mool eo: Wā eo an COVID-19 emaroñ kōmman an metak jikin eo kwar wā, metak bar, im metak majel. Jorren kein remaroñ lablok aer kauwōtata jen wā ko jet bōtab renaj jako iomwin juon ak ruo raan. Meñe COVID-19 emaroñ jab lab kakōlle ko an, emaroñ bar lukkun kauwōtata ak bar kōmman an armij mij.

Abnōnō: Wā eo ejāmin jibañ an enbwinnōm kōmman an kein bōbrae einwōt ilo ejja wāween eo kij in nañinmij eo enaj.

Melele Mool eo: Enbwinnid ej kōmman ad kein bōbrae jen COVID ilo wāween eo oktak kin wā eo im ejab kin am bōk nañinmij eo. Bōtab wā eo ej kōmman am kein bōbrae ilo am jab aikuj bōk nañinmij eo, juon men eo emaroñ kauwōtata ak kōmman am mij.

Abnōnō: Wā ko an mRNA elablok aer kauwōtata jen wā ko jet.

Melele Mool eo: Wā ko an Messenger RNA (mRNA) elablok aer kōmman jorren ko rekadu ien aer walok jen elōñ wā ko jet. Bōtab ejab walok ke jorren kein rej aitok aer bed.

Abnōnō: Wā ko an mRNA remaroñ jāniji kij in bōrañ ko am (DNA)

Melele Mool eo: Wā ko an Messenger RNA rej jermal ilo aer katakin cell ko iloan enbwinnid ñan kōmmane juon protein im ej kōmman kein bōbrae an enbwinnid, ekkar ñan CDC. Messenger RNA eo emōj kadeloñ iloan enbwinnōm eban leto-letak ak jelōte cell in DNA ko am.

Abnōnō: Elañe ear wōr COVID-19 ibba im emōj aō kōmour, ijab aikuj bōk wā eo

Melele Mool eo: Kin joñan uwōta in ejmour ko rekauwōtata ikijen nañinmij eo im melele mool eo ke kwōmaroñ bar bōk nañinmij eo tōkelik, remaroñ rōjañ an armij bōk wā in COVID-19 eo jekdoon ñe emōj aer kar bōk nañinmij eo moktalok.

Abnōnō: Ilo ien eo inaj bōk wā in COVID-19 eo, imaroñ bōjrak jen kiltōn kejbarok ko jet einwōt ekōnak kein kalbubu iturin māj im ettolok jen armij ro jet

Melele Mool eo: Meñe wā eo emaroñ bōbrae jen am nañinmij, ejellok melele elañe kwōmaroñ bōk ak kajeeded kij eo ñan ro jet ālikin am wā. Mae ien eo enaj lablok ad bōk katak, emmantata wōnmaanlok kin kiltōn kejbarok ko einwōt ekōnak kein kalbubu iturin māj im kōttolok doon.

Maroñ loe beba in: Ñan armij ro im elōñ aer utamwe ak armij ro im rejelā juon bar kajin im ejab Kajin Belle, OHA emaroñ lelok melele ko ilo wāween ko jet einwōt ukok ko, jeje kileb, ak jeje ko an ribilo. Kebaak Jikin Melele in Eymour eo ilo 1-971-673-2411, 711 TTY ak COVID19.LanguageAccess@dhsosha.state.or.us